

各出家官稱有負物、竟封郡司及富豪宅、取其所蓄之稻、若國司相論、却以他故、非唯侵損郡內、還似與公家相爭、今須負諸家物人、若在國中、彼家牒國、國加追勘、據法任理、彼此得所、如此則公私共平、郡內肅然、望請早被下符、永絕紆源、謹請官裁者、右大臣宣依請、自餘四箇國亦宜准此者、而諸國司等、不愼符旨、已致違失、彌長紆濫、未聞改轍、凡人情矯偽、非一、或侵冤細民、多求私利、或假力貴家、巧避公責、國家之蠹、莫大於斯、今被右大臣宣稱、夫吏道以格式爲先、棄而不行、豈循良之謂乎、宜早下知、莫令疎漏者、伴格可施七道、何止五畿、伏望下知諸國、莫令矯濫者、

以前撰格所起請具伴如右、中納言兼左近衛大將從三位藤原朝臣基經宣奉勅依請、

貞觀十年六月廿八日

〔三代實錄陽成〕元慶五年十二月七日辛巳、禁斷諸司諸寺諸院諸家徵物使等、究勘諸國貢調綱領郡

司雜掌、

〔類聚三代格十二〕太政官符

應禁止諸司諸家徵物使、究勘調綱郡司雜掌事、

右得丹波伊豫土佐等國解稱、調庸雜物貢進立限、若違其期、罪有恒法、而今件徵物使等多集黨類、候郡司雜掌入京之日、各競冤勘、先號前分、責取官物、次稱土毛掠奪私糧、縱不叶其求、遂加凌轢、爰郡司爲免身辱、偏忘公損、或折納官內、徒充賂遺之贈、或取封戶物、還致本家之費、又雜掌所職專在公文、不預雜物、而郡司未到之間、勘責如前、公糧竭於酒食、旅資盡於苞苴、因茲不濟、預事並以逃歸、調物難濟、公文擁滯、職此之由、於是國司常被絆解、由郡司亦不免決罰、不加禁止、何弭苛酷、望請官裁、被停件使、將令貢調使并郡司務進納之事、然則納官封家無未進之弊、國宰郡司免罪責之科者、左大臣宣奉勅依請、若有背符旨、強遮之輩、捕身言上、殊處重科、宜令有司亦加紮彈、諸國准此、

寬平三年五月廿九日